

OUTRAS ENTIDADES

CONSORCIO PARA A XESTIÓN DO CICLO URBANO DA AUGA DO LOURO

Ordenanzas e Regulamentos

APROBACIÓN DEFINITIVA DA ORDENANZA FISCAL REGULADORA DO PREZO PÚBLICO PARA BALEIRADO DE POZOS NEGROS E FOSAS SÉPTICAS DOMÉSTICAS, LIMPEZA DE ACOMETIDAS, CANOS E DESAUGADOIROS E TRASLADO DE LODOS Á EDAR DE GUILLAREI (EXPTE. 278/2018)

ANUNCIO DE APROBACIÓN DEFINITIVA

O Comité Directivo do Consorcio para a Xestión Integral do Ciclo Urbano da Auga do Louro, na súa sesión ordinaria do 30 de xullo de 2018, aprobou inicialmente a Ordenanza Fiscal Reguladora do Prezo Público para baleirado de pozos negros e fosas sépticas domésticas, limpeza de acometidas, canos e desaugadoiros e traslado de lodos á Edar de Guillarei (Expte. 278/2018).

Unha vez sometida a información pública, mediante anuncio inserido no BOP nº 167, do 30 de agosto de 2018, durante o prazo de 30 días hábiles, non se formulou ningunha alegación ou reclamación, quedando aprobada definitivamente, polo que se procede a publicar o texto íntegro da mesma, en cumprimento do disposto no artigo 17.4 do Texto Refundido da Lei Reguladora das Facendas Locais, aprobado polo Real Decreto Legislativo 2/2004, de 5 de marzo:

“ORDENANZA FISCAL REGULADORA DO PREZO PÚBLICO PARA BALEIRADO DE POZOS NEGROS E FOSAS SÉPTICAS DOMÉSTICAS, LIMPEZA DE ACOMETIDAS, CANOS E DESAUGADOIROS E TRASLADO DE LODOS Á EDAR DE GUILLAREI

ARTIGO 1. FEITO IMPOÑIBLE

Constituirá o feito impoñible do prezo público regulada nesta ordenanza o servizo de baleirado e limpeza de pozos negros e fosas sépticas e o posterior traslado dos residuos ás instalacións da EDAR de Guillarei, así como os de limpeza e acometidas, canos e desaugadoiros domésticos.

ARTIGO 2. DEFINICIÓNS

Para os efectos desta Ordenanza, enténdese por:

- **Pozo cego ou pozo negro.** Escavación no terreo, xeralmente de forma circular, revestida de paredes perforadas que recibe a descarga das augas residuais (augas negras) de orixe doméstica. Nese sistema primario de depuración o líquido fíltrase no terreo, mentres que a parte sólida queda retida ata que se descompón por efecto bacteriano. A profundidade máxima do pozo ven determinada pola capa freática ou capa de auga superficial ou subterránea do terreo á que non debe alcanzar o pozo para non contaminar dita auga.



- **Fosa séptica.** Instalación na que se leva a cabo o tratamento primario de augas residuais de natureza doméstica. Componse de dous ou máis compartimentos nos que se realiza a separación e a reacción físico-química da materia orgánica desas augas.
- **Estación depuradora de augas residuais (EDAR).** Unidade composta por instalacións, estruturas ou mecanismos que permitan unha depuración por métodos físicos, químicos ou biolóxicos da auga residual co fin de adecuar a auga residual aos obxectivos de vertedura.
- **Acometida.** conxunto de elementos interconectados (arqueta de arranque, albañal e entroncamento) que unen a rede de saneamento coa instalación interior dunha vivenda ou edificio.

ARTIGO 3. SUXEITOS PASIVOS

Son suxeitos pasivos desta taxa, no concepto de contribuíntes, as persoas físicas, xurídicas e as entidades a que se refire o artigo 36 da Lei 58/2003, de 17 de decembro, xeral tributaria e artigo 23 do R.D. Lexislativo 2/2004, de 5 de marzo, polo que se aproba o texto refundido da Lei reguladora das facendas locais, que soliciten, resulten beneficiadas ou sexan usuarias dos servizos descritos no artigo 1 da presente ordenanza.

ARTIGO 4. SOLICITUDE DE BALEIRADO

1. A solicitude de baleirado realizarase mediante o formulario correspondente que recollerá os datos necesarios identificativos do inmovible, do propietario do mesmo e da fosa séptica/pozo negro a baleirar. Esta solicitude deberá ir acompañada dos seguintes documentos:
 - a) Copia do NIF/CIF do solicitante.
 - b) Autorización administrativa do Consorcio para Baleirado de Foshas Sépticas do Consorcio ou ben resolución positiva da Declaración de Baleirado de Foshas Sépticas en Depuradoras de Augas Residuais Xestionadas por Augas de Galicia, da Consellería de Medio Ambiente, Territorio e Infraestruturas, Xunta de Galicia, por aplicación do Decreto 136/2012, do 31 de Maio de 2012, polo que se aproba o Regulamento do canon da auga e do coeficiente de vertedura a sistemas públicos de depuración de augas residuais.
 - c) Xustificante de ter realizado o pago estipulado da cota correspondente segundo artigo 6, en función do volume de residuos a baleirar e do número de baleirados realizados dentro do ano natural.
2. Para proceder ó baleirado por parte dos Consorcio, a fosa séptica ou pozo negro deberá estar dado de alta no Censo de Foshas Sépticas e Pozos Negros do Consorcio para a xestión do ciclo urbano da auga do Louro.



ARTIGO 5. EXENCIÓNS E BONIFICACIÓNS

Gozarán de exención da tarifa de primeiro baleirado aqueles fogares, que pola súa precariedade económica e de especial vulnerabilidade, sexan obxecto de intervención e seguimento polo Departamento de Servizos Sociais e así o dispoña o informe de Servizos Sociais.

Non se admitirán outras exencións e bonificacións neste prezo público que as establecidas en normas de rango legal ou en tratados internacionais.

ARTIGO 6. COTAS

As tarifas aplicaranse por cuba ou fracción (5 m³ de capacidade máxima) para unha duración estimado dos traballos de baleirado de 90 minutos ou fracción. No caso de que o volume de residuos xerados sexa inferior ós 5 m³ ou a duración dos traballos sexa inferior aos 90 minutos, aplicarase a tarifa do tramo, que se considera a tarifa mínima polo uso do servizo. Non se admitirán fraccionamentos desa tarifa mínima dentro de cada tramo.

As tarifas serán as seguintes:

1. Por unidade de baleirado dentro do ano natural..... 100,86 € por cuba de 5 m³ ou fracción e por cada 90 minutos ou fracción.
2. Polo tempo adicional de baleirado..... 33,68 € por cada 30 minutos ou fracción.
3. Limpeza de acometidas, canos e desaugadoiros..... 100,86 €, por cada 90 minutos ou fracción.
4. Polo tempo adicional de limpeza de acometidas.....33,68 € por cada 30 minutos ou fracción.

Ás tarifas anteriormente indicadas engadiráselle o IVE correspondente.

Coa realización do primeiro servizo de baleirado e/ou limpeza de acometidas, canos e desaugadoiros dentro de cada ano natural o solicitante virá obrigado a abonar a taxa anual de depuración, de acordo coa ordenanza fiscal vixente e que, para o exercicio 2018 é de 46,80 €.

ARTIGO 7. DEVENGO E INGRESO

1. Os prezos públicos regulados nesta ordenanza fiscal devengarase no momento da solicitude dos servizos.
2. Os solicitantes dos servizos que constitúan o feito impositivo deste prezo público deberán realizar, no momento da solicitude, autoliquidación e ingreso dos prezos públicos correspondentes polos importes sinalados nas tarifas do artigo anterior. O Consorcio practica liquidación complementaria se procede.



Martes, 11 de decembro de 2018

Núm. 237

ARTIGO 8. INFRACCIÓNS E SANCIÓN

Nas infraccións tributarias desta ordenanza a súa cualificación, así como as sancións correspondentes estarase ó disposto na Lei xeral tributaria, e restante normativa de aplicación.

DISPOSICIÓNS FINAIS

- 1ª No que non estea previsto na presente ordenanza fiscal será de aplicación a Lei xeral tributaria e normativa concordante de aplicación.
- 2ª A presente ordenanza entrará en vigor o día seguinte da súa publicación no Boletín Oficial da Provincia, permanecendo vixente en tanto non se acorde a súa modificación ou derogación. Contra o presente acordo, conforme ao artigo 19 do Real decreto legislativo 2/2004, do 5 de marzo, polo que se aproba o texto refundido da Lei reguladora das facendas locais, poderase interpoñer polos interesados recurso contencioso administrativo, no prazo de dous meses contados a partir do día seguinte ao da publicación.”

Contra o acordo de aprobación desta ordenanza, conforme ao artigo 19 do Texto Refundido da Lei Reguladora das Facendas Locais, aprobado polo Real Decreto Legislativo 2/2004, de 5 de marzo, poderase interpor polos interesados recurso contencioso-administrativo, no prazo de dous meses contados a partir do día seguinte ao da publicación deste anuncio, ante o Tribunal Superior de Xustiza de Galicia.

Así o manda e asina dixitalmente, a Presidenta, Dna. Eva García de la Torre.

Documento asinado electronicamente.

